

**Yoba Hte Rau Kārai Kāsang A Yaw Shāda Lam –
Māsha Kāja Gaw Kārai –Māsha Byin Wa Na Mātu**

Htina chyum daw, Yob.1:1, 8. 2:3, 9. 27:5. 31. 42:5-6

- I. Laika buk kru shi kru lawm ai chyum laika gaw lam lāngai sha a mātu rai nga ai – dai gaw Hkristu hta Kārai Kāsang gaw Wenyi a mārang e tinang hkum hpe anhte asak, anhte mābyin māsa hte anhte a yawng māyawng hku nna anhte kăta de kăran kăchyan na mātu, dai hku nna anhte gaw Hkristu hpe asak hkrung nhtawm, Hkristu hpe dan leng na rai nga ai – Ehp.3:16-17a. Hpl.1:21a.**
- A. Ndai lam gaw anhte asak hpe up hkang nga ai mādung mähkrun māsa rai ra ai – Yhn.6:57.
B. Ta tut hkrak re lădat hta ndai lam gaw anhte a kăbu găra lam mātu daini na asak hpun byin ra ai – Shr.22:14.
- II. Yoba gaw māsha kāja lāngai rai nna, tinang a kup tsup ai lam, dinghpring ai lam hte myit zim ai lam hta tinang hkum hpe dan dawng shāngun ai – Yob.27:5. 31:6. 32:1.**
- A. Kup tsup ai lam gaw kăta māsha hte mătut mähkai nga nna, ding man ai lam gaw shinggan māsha hte mătut mähkai nga ai – 1:1.
B. Yoba gaw myit zim ai lam nga ai māsha re. Myit zim ai lam gaw kup tsup ai lam hte dingman ai lam a yawng hpawn rai nga ai – 2:3, 9. 27:5. 31:6.
1. Yoba hte seng nna myit zim ai lam gaw shi byin ai lam a gumhpawn dan leng lam rai nga ai.
2. Shinggyim lailen hta Yoba gaw kup tsup nna dingman wu ai, sari sādang hta shi gaw myit zim ai lam a tsaw dik shādang nga ai.
C. Yoba gaw ginjat kum la hta Kārai Kāsang hpe hkrit hkungga nna, ginyawm kumla hta n-kāja lam kaw na koi gam ai wa rai nga ai – 1:1.
1. Kārai Kāsang gaw Mădu hpe māsha hkrit hkungga nna, kăning re shut shai lam mung n-gălaw na mātu hpan hpăjang da ai nre. De mălai Kārai Kāsang gaw māsha hpe Mădu a hkrang nsam hta, Mădu a hkrang nsam hte mären hpan da wu nhtawm, dai gaw māsha măhtang Kārai Kāsang hpe dan dawng na mātu rai nga ai – Nin.1:26.
2. Kārai Kāsang hpe dan leng ai lam gaw Kārai Kāsang hpe hkrit hkungga ai lam hte n-kāja amu kaw na koi gam ai hta grau tsaw nga ai.
3. Yoba gaw shi a kup tsup ai lam, ding man ai lam hte myit zim ai lam hta lu la wa ai lam gaw kăman li la sha rai nga ai. Dai gaw Kārai Kāsang a yaw shāda lam hpe ngut kre hpring tsup ai lam nnga shāngun ai sha n-ga, Mădu a ra shārawng lam hpe myit dik shāngun ai lam mung nnga ai. Dai mājaw Mădu gaw Yoba mātu tsawra myit hte myit ya wu ai – Yob.1:6-8. 2:1-3.
D. Yoba hta ra kădawn lam nga ai hpe Kārai Kāsang sha chye wu ai – shi kăta hta e Kārai Kāsang hpe nlu da wu ai. Dai mājaw Kārai Kāsang gaw Yoba hpe Mădu a yaw măsing ngut kre hpring tsup na mātu Mădu hpe dan leng na mātu mära Mădu hpe amyat lu la ai lam nga shāngun māyu ai – 42:5-6.
- III. Kārai Kāsang a yaw shāda lam gaw Yoba Kārai-māsha byin wa na mātu, Mădu a arawn alai ni hta Kārai Kāsang hpe dan leng ai lam nga shāngun na mātu rai nga ai – 22:24-25. 38:1-3.**
- A. Kārai Kāsang gaw Yoba hpe kăga shingwang, Kārai Kāsang a shingwang kăta de shăga wa wu ai, dai hku nna Yoba gaw tinang a kup tsup ai lam, ding mai lam hte myit zim ai lam hte awng dang wa lu ai lam a mălai, Kārai Kāsang hpe amyat lu la na rai nga ai – 42:5-6.
B. Yoba hte rau Kārai Kāsang a yaw shāda lam gaw shi hpe htum mat shāngut nna, kup tsup ai lam hte ding man ai lam hta sari sādang tsaw di kai shādang hta shi awng dang lu la wa ai lam ni, shi dang lu lam ni kaw na shi hpe gawng jăhkrat kau na mātu rai nga ai – 31:6.
C. Kārai Kāsang a yaw shāda lam gaw shi a kup tsup ai lam hte ding man ai lam hta rudi hte seng ai Yoba hpe run jăhkrat kau nna, Mădu gaw Kārai Kāsang a mābyin māsa hte arawn alai ni hta ningnan byeng gram hkrum ai Yoba hpe gaw gap lu na mātu rai nga ai – 1:6-8. 2:3-6.

- D. Kārai Kāsang a yaw shāda lam gaw Yoba hpe Kārai Kāsang a māsha byin shāngun na mātu, Hkristu hta Kārai Kāsang a dan leng lam mātu Kārai Kāsang a ngut kre hpring tsup ai lam byin wan a mātu Kārai Kāsang a hkum dan dawng lam rai nga ai Hkristu hte hpring nga shāngun na mātu rai nga ai – 1Tm.6:11, 2Tm.3:17.
- E. Kārai Kāsang a gawng jāhkrat kau ai lam hte htum mat shāngun ai lam gaw Yoba hpe run jāhkrat kau na mātu shi ntsa jai lang wu ai, dai hku nna Kārai Kāsang gaw shi hpe Kārai Kāsang shi hkum nan hte bai gaw gap na mātu npawt hte lādat lu la na, shāloi she shi gaw Kārai – māsha byin wa lu na, Kārai Kāsang hpe dan leng na mātu naw ku hkam shāra hta nre sha, Mādu a asak hte mābyin māsa hta Kārai zawn bung wa lu na rai nga ai – Ehp.3:16-21.

IV. Hkristu hta Kārai Kāsang gaw māsha kăta ade mähkri shawn gumhpawn wa nna, māsha gaw Kārai Kāsang kăta de mähkri shawn gumhpawn hkrum nhtawm, Kārai Kāsang hte lāngai sha gumhpawn ai lam byin wa na mātu rau sha kăyau gumhpawn wa sai rai nga ai, dai hpe Kārai-māsha ngu shăga ai – Mat.1:21, 23. Luk.1:35. Tit.2:13. 1Tm.2:5.

- A. Kārai – māsha ni law wa, Kārai Kāsang a kasha law wa gaw shawng nnan na Kārai – māsha Hkristu a rawt jat ai lam, bai gālaw shāpraw ai lam, hkrang bung māyat ai lam hte mātut byin ai lam rai nga ai – Yhn.12:24, Heb.2:10. Rom.8:29.
- B. Kārai – māsha lāngai gaw Kārai Kāsang a asak hte mābyin māsa hpe shang lawm kănawn măzum ai wa rai nna, dai hku Mādu a asak hte mābyin māsa hta Kārai Kāsang hte lāngai sha byin wa nhtawm, Mādu hpe dan leng ai wa rai nga ai – Yhn.3:15. 2Pe.1:4. 1Ko.6:17.
- C. Kārai – māsha lāngai gaw Kārai Kāsang a kasha byin na mātu Kārai Kāsang e shāngai hkrum nna, Kārai Kāsang a asak hte mābyin māsa nga ai – Yhn.1:12-13. 3:6.
 - 1. Kārai – māsha lāngai gaw māsha hte seng ai hte Kārai hte seng ai asak lăhkawng, shinggyim rudi hte Kārai rudi ngu ai mābyin lăhkawng nga ai.
 - 2. Kārai-māsha lāngai gaw asak – māsha lāngai rai nga ai – 1Yhn.5:11-13. Rom.8:2, 6, 10-11.
 - 3. Kārai – māsha lāngai gaw ja-māsha lāngai rai nga ai – Pru.25:11. 1Pe.1:7. Shr.3:18. 21:18b.
- D. Kārai – māsha lāngai gaw Kārai Kāsang hte mähkri shawn gumhpawn nna, shi a asak, asak pawn ba lam hte yawng măyawng hku Kārai Kāsang hpe lu la da ai. Dai mājaw Kārai – māsha gaw māsha raitim Kārai, Kārai raitim māsha rai nga ai – Ehp.3:16-17a.
- E. Kārai-māsha lāngai gaw hpan da lam nnan hte Hkristu hta Kārai Kāsang a dinghpring ai lam rai nga ai – 2ko.5:17, 21.
- F. Kārai – māsha lāngai gaw shi mābyin yawng hkra hte Mādu Kārai hpe tsaw ra ai, dai gaw shi myit măsın, myit, nyan hte n-gun atsam kaw na tsaw ra ai lam rai nga ai – Mat.12:30.
- G. Kārai – māsha lāngai gaw hkum shan hta la kap ai lam nnga, tinggyeng hpe nyet kau nna, Hkristu hpe asak hkrung na mātu wenyi hpe shaman shăkyang ai lam nga ai – Hpl.3:3. Mat.16:24. 1Tm.4:7. Hpl.1:21a.
- H. Kārai – māsha lāngai gaw Kārai Kāsang a mungga hte rau nga ai Kārai Kāsang a māsha rai nna, Kārai Kāsang a asak nbung hpe mărawp bang ai wa rai nga ai – 1Tm.6:11. 2Tm.3:16-17.
- I. Kārai – māsha lāngai gaw, tinang gaw lāngai hkrai lak san wang lu wang lang nre sha, gumhpawn da ai Kārai-māsha, māsha nnan lāngai ngu ai Hkristu Hkumhkrang a daw shan re hpe chyena hkawn hkrang ai – 1Ko.12:12-13. Ehp.4:16. Kol.3:10-11.